

實少納言入道入道受二兩

〔台記〕康治二年十二月七日己丑吾賴長。欲學周易即是所以可與明年甲子革命之議也。而俗人傳云。學此書者有凶云々。又云。五十後可學云々。余案之。此事更無所見。如論語皇侃疏者。少年可學之由所見也。然而猶恐俗語。因之使泰親祭代山府君。去三日欲祭。依雨延引。今日又天陰雪。乘獨後束帶向川原乘八車參之儀。于時雪頻降。乍車斃立川原。請府君曰。學易極天地之理者。是正道也。鬼殆也者。邪心也。邪勝正者。非天之心。豈難鬼殆之。學易者可被其凶乎。雖不祈請。天可降災。何況祈請哉。頃之天快晴。月星見。天與善謂哉。此言善謂學易一邊。非謂我是善人也。雪猶少下。然而余下車就座。泰親祭之。不經程雪止。祭了歸宅。召泰親賜衣。依天晴也。改著淨衣拜星。依恒例也。都狀成佐作之。載左。

謹上泰山府君都狀

南瞻部州日本國內大臣正二位藤原朝臣長賴

某年

本命

行年

獻上冥道諸神一十二座

右某謹啓。泰山府君冥道諸神等。夫府君者。十二冥道之尊長也。○中又在祈與不祈。若致精誠。立垂感應者歟。某謬在弱冠之齡。早忝輔辰之職。器量疎兮。備台鼎。鹽梅之味無調。材幹短兮。居星階。柱石之用難協。縱受餘慶於累祖之蹤。爭銷積毀於衆人之口。夫忠孝之道。披典籍以乃見焉。禮讓之儀。待文章以後顯矣。古典云。君子若欲化民成俗。其必由學乎。玉不琢不成器。人不學不知道。蓋此謂也。是以爲收曠官之責。爲勵奉公之誠。專志於九經。竭力於六藝。性縱愚魯。學古思齊而已。俗諺云。易多忌諱。學者之仁可畏也。又云。五十以後可學此書。而明年甲子當革命。否雖爲瑣才之身。可關群議之席。革命之起出自